



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Sancti Hieronymi Stridonensis, Sanctae Romanae Ecclesiae Presbyteri Cardinalis Epistolae In Tres Libros distributae**

**Hieronymus, Sophronius Eusebius**

**Coloniae Agrippinae, 1674**

LVIII. Ad Marcellinum & Anapsychiam. Dominis. Tandem.

**urn:nbn:de:hbz:466:1-37862**

84 D HIERON. EPIST.  
tueatur, Domine venerande & beatissime  
Papa.

*LVIII. Hieronymus Marcellino & Anapsychia,  
origine anima narrat diversas veterum sententias  
& Augustinum consulti jubet, qui & ipse de origine  
anima scripsit. Excusat etiam bella & publicos  
motus, quominus absolvat suos in Exe-  
chiclem commentarios.*

**D**ominis verè sanctis, atque omni officio  
charitate venerandis filijs Marcellino,  
Anapsychiæ Hieronymus in Christo saluta-  
Tandem ex Africa vestræ literas unanimiter  
cepi. Et non me pœnitent impudentiæ, quâ ta-  
cibus vobis epistolas meas frequenter ingessi,  
re scriptum mererer: & vos esse hospites, non  
nuntiantibus, sed vestro potissimum sermone  
gnoscerem. Super animæ statu memini vestri  
quæstionculæ, imò maximè Ecclesiasticæ quæ-  
stionis: utrum lapsa de cælo sit, ut Pythagoras  
philosophus, omnesque Platonici & Origenes  
putant: an à propria Dei substantia, ut Stoici, Ma-  
nichæus & Hispaniæ Priscilliani hæreses susci-  
cantur: an in thesauro habeantur Dei, olim con-  
ditæ, ut quidam Ecclesiastici stultâ persuasione  
confidunt: an quotidie à Deo fiant & mittantur  
in corpora, secundum illud quod in Evangelio  
scriptum est: Pater meus usque modo operatur  
& ego operor, an certè ex traduce, ut Tertullianus,  
Apollinarius, & maxima pars Occidentis  
lium autumant: ut quomodo corpus ex corpore  
scilicet anima nascatur ex anima, & simili cum brutis

*IOAN. 5. 17*

animantibus conditione subsistat. Super quo quid  
 mihi videatur, in opusculis contra *Ruffinum*  
 scripsisse me novi adversus eum libellum, quem *seprehen-*  
 sanctæ memoriæ Anastasio Episcopo Romanæ *sis.*  
 Ecclesiæ edidit: in quo lubricâ & subdolâ, immò  
 stultâ confessione, dum auditorum simplicitati il-  
 ludere nititur, suæ fidei, immò perfidiæ illudit.  
 Quos libros reor sanctum parentem vestrum ha-  
 bere Oceanum. Olim enim editi sunt multis Ruf-  
 fini libris adversus calumnias respondentes. Cer-  
 tē habes ibi virum sanctum & eruditum Augusti-  
 num Episcopum, qui vivâ (ut ajunt) voce docere  
 te poterit, & suam, imò per se nostram explicare  
 sententiam. Ezechielis volumen olim aggredi  
 volui, & sponsonem creberrimam studiosis lecto-  
 ribus reddere; sed in ipso dictandi exordio ita  
 animus meus Occidentalium provinciarum, &  
 maximè urbis Romanæ vastatione confusus est,  
 ut juxta vulgare proverbium proprium quoque  
 ignorarem vocabulum, diuque tacti, sciens tem-  
 pus esse lacrymarum. Hoc autem anno cum tres  
 explicâsem libros, subitus impetus barbarorum,  
 de quibus tuus dicit Virgilius: Lateque vagantes  
 Barchæi: & sancta Scriptura de Ismael: Contra *Gen. 16.*  
 faciem omnium fratrum suorum habitabit, sic Æ-  
 gypti limitem Palestinæ, Phœnicis, Syriæ percur-  
 rit, & instar torrentis cuncta secum trahens, ut  
 vix manus eorum misericordiâ Christi potueri-  
 mus evadere. Quod si juxta inclytum Oratorem *Cicero.*  
 silent inter arma leges, quanto magis studia scri-  
 pturarum? quæ & librorum multitudine, & silentio,  
 ac librariorum sedulitate, quodq; proprium est,  
 securitate & ocio *indigent.* Duos Itaq;  
 libros

libros mihi sanctæ filiæ meæ Fabiolæ : quorum  
 exempla si volueris, ab ipsa poteris mutuati. Pen-  
 angustia quippe temporis alios describere non  
 potui : quos cum legeris & vestibula videris, in  
 cilis conjectura erit, qualis ipsa futura sit domus.  
 Sed credo in Dei misericordia, qui nos adju-  
 in difficillimo principio supradicti operis, quem  
 ipse adjuvet & in penultimis Prophetæ partibus  
 in quibus Gog & Magog bella narrantur : &  
 extremis, in quibus sacratissimi & inexplicabilis  
 templi ædificatio, varietas mensuraque describitur.  
 Sanctus frater noster Oceanus, cui vos com-  
 pitis commendari, tantus & talis est, & sic erue-  
 tus in lege Domini, ut absque nostro rogatu  
 fruere vos possit, & nostram super cunctis qua-  
 stionibus scripturarum pro modulo communis  
 ingenij explicare sententiam. Incolumes vos  
 prolixâ aetate florentes Christus Deus noster  
 tueatur omnipotens, Domini verè sancti,

Exe. 38.

& 39.

Ezec. 40.

& seqq.



LIBER